

JARÐRÆKTARSAMÞYKKT

fyrir Jarðræktarsambandið Hjörleifur.

I. KAFLI

Búnaðarfélagin í Vestur-Skaftafellssýslu og undir Eyjafjöllum í Rangárvallasýslu gera svofellda ræktunarsamþykkt.

1. gr.

Sambandssvæðið nær yfir eftirgreind hreppabúnaðarfélög: Öll búnaðarfélagin í Vestur-Skaftafellssýslu og Búnaðarfélag Austur-Eyjafjalla og Búnaðarfélag Merkurþæja. Skal nafn þess verða Jarðræktarsambandið Hjörleifur.

2. gr.

Jarðræktarsambandið Hjörleifur tekur að sér, á þann hátt, sem nánar er tekið fram í samþykkt þessari eftirgreind verkefni, er nái til allra jarða á samþykktarsvæðinu eftir því sem bezt á við á hverjum stað, að undanskildum þeim jörðum er falla kunna undir ákvæði IV. kafla jarðræktarlaga nr. 22/1965.

1. Að ræsa fram land til túnræktar, beitiræktar og engjaræktar. Tekur framkvæmd verksins til fullnaðar framræslu á landinu að opnum skurðum, svo og lokræsum, þar sem þess er þörf.
2. Að framkvæma jarðvinnslu á tünnum jarða á samþykktarsvæðinu, sem ekki eru véltæk. Nær það til plægingar, herfingar og jöfnunar lands.
3. Að taka að sér jarðvinnslu til nýræktar túna og garða. Nær það til fullnaðvinnslu á sama hátt og gert er ráð fyrir í síðustu málsgrein 2. tölul.
4. Að framkvæma sléttun engja, svo þær verði véltækar, hvort heldur það er gert með völtun, vinnslu lands, flóðgarðahleðslu eða öðrum aðferðum. Allar framkvæmdir skv. þessari grein, 1. til 4. lið skulu gerðar eftir fyrirsögn Búnaðarfélags Íslands.

II. KAFLI

Skipan og verk svið framkvæmdastjórnar.

3. gr.

Hvert búnaðarfélag kýs árlega 3 menn í fulltrúaráð fyrir ræktunarsambands-
svæðið. Fulltrúaráðið kýs á aðalfundi 5 menn í stjórn, til eins árs í senn. Skal formaður kosinn sameiginlega af öllum fulltrúum án tillits til búsetu. Síðan skiptist fulltrúaráðið í deildir og kjósa Eyfellingar og Mýrdælingar saman tvo menn og fulltrúar frá búnaðarfélögum austan Mýrdalssands aðra tvo. Varastjórn skal kosin með sama hætti.

4. gr.

Stjórn jarðræktarsambandsins annast kaup á nauðsynlegum vélum og verkfærum til skurða og lokræsagerðar, svo og á jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykkt í sveitum, að hafa samráð við vélanefnd ríkisins um kaup og val vélanna.

5. gr.

Stjórn jarðræktarsambandsins sér um kaup á öllu því, er með þarf til reksturs og viðhalds þeim vélum og áhöldum, sem keypt verða. Henni ber að hafa þau tryggð fyrir fjárhæð, sem svarar til verðgildis þessara eigna, eins og þær eru á hverjum tíma.

6. gr.

Stjórn jarðræktarsambandsins annast um allan rekstur vélanna, henni ber að gera og undirrita alla verktökusamninga við hina einstöku framkvæmdaraðila á samþykktarsvæðinu, og ákveða á hvaða tíma og í hverri röð verkefni eru tekin, er unnið skal að.

7. gr.

Stjórn jarðræktarsambandsins ræður starfsmenn, ákveður launakjör þeirra og hefur umsjón með öllum jarðræktarframkvæmdum. Stjórnin ræður framkvæmdastjóra til eins árs í senn og felur honum með erindisbréfi framkvæmdastjórn.

8. gr.

Allir þeir samningar er framkvæmdastjórn gerir fyrir hönd jarðræktarsambandsins skv. samþykktum þess eða ályktunum aðalfundar eru skuldbindandi fyrir félagsheildina þótt þeir hafi ekki sérstaklega verið undir einstök búnaðarfélög þess bornir.

Framkvæmdastjórn ber ábyrgð gerða sinna fyrir aðalfundi.

III. KAFLI

Um tilhögun framkvæmda.

9. gr.

Skýlt er stjórnnum hreppabúnaðarfélaganna, hverri á sínu svæði að skrá verkeiðnir félagsmanna fyrir lok janúarmánaðar ár hvert. Skal þar tilgreint hverra jarðabóta er óskað og hve mikilla á því ári, eftir því sem næst verður komist. Skýrslum þessum ber að skila til framkvæmdastjóra fyrir 1. febrúar ár hvert. Skýrslunni fylgi frá verkkaupendum greiðsluskuldbinding hvers þeirra fyrir sig, og enn fremur yfirlýsing félagsstjórnar hreppabúnaðarfélagsins um það, að félagið takist á hendur ábyrgð á greiðslum félagsmanna sinna fyrir þau verk, er hjá þeim verða unnin á því starfsári.

10. gr.

Að fengnum þeim skýrslum, er um ræðir í 9. gr. ber framkvæmdastjórn að semja starfs- og rekstraráætlun fyrir yfirstandandi ár. Rísi ágreiningur innan ræktunarsambandsstjórnar um veigamikil atriði í framkvæmdaáætlun ber að leggja hann fyrir næsta aðalfund ræktunarsambandsins til úrskurðar. Framkvæmdastjórn er skýlt að framfylgja samþykkttri starfsáætlun, svo sem við verður komið.

11. gr.

Við undirbúning framkvæmdaáætlunar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu eftir því sem við verður komið, án þess að valda óhæfilegum aukakostnaði í flutningi véla og verkfæra.
2. Að túnrækt sé að öðru jöfnu látin sitja fyrir öðrum ræktunarframkvæmdum.
3. Að land það, er brjóta á til ræktunar hafi verið ræst fram á fullnægjandi hátt, að dómi trúnaðarmanns Búnaðarfélags Íslands.
4. Að framræsla bithaga í stærri stíl komi að jafnaði því aðeins til greina að fullnægt hafi verið framræsluverkefnum vegna tún-, garð- og engjaræktar á þann hátt, að það tefji eigi jarðvinnsluna, svo að því marki verði náð, að allur hefyngur verði tekinn á vélfæru landi.

IV. KAFLI

Um verðlagsáskvarðanir og greiðslu kostnaðar.

12. gr.

Kostnaður við framkvæmdir, er í samþykkt þessari getur, greiðist á eftirfarandi hátt:

1. Sameiginleg framræsla fleiri jarða greiðist af þeim, er hagsmuna njóta af framkvæmdinni, eftir flatarmáli þess lands, er nýtur hags af verkinu. Þó skal taka tillit til þess, ef um einhverja sérstöðu er að ræða. Verði ágreiningur um þessi atriði skal úr honum skorið með mati tveggja óvilhallra dómkvaddra manna.
2. Framkvæmdir á einstökum jörðum skulu greiddar af verkkaupanda, eftir þeim skildaga, og á þann hátt, sem fram verður tekið í verktökusamning. Heimilt er stjórninni að láta greiðslur fara fram eftir áætluðum verktöxtum meðan verkið stendur yfir ár hvert, en fullnaðargreiðsla sé byggð á tilkostnaðarverði, eins og það verður samkvæmt rekstrarreikningi hvers árs. Áætlaðir verktaxtar séu miðaðir við tímaeiningu.

13. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningagjalds af þeim, kostnaður við flutninga þeirra milli vinnustaða, viðhald véla, er stafar af eðlilegu sliti þeirra, vaxtagreiðslur, kostnaður við verkstjórn og stjórnarkostnaður.

Heimilt er aðalfundi að ákveða og leggja á framkvæmdakostnað áhættuþóknun, er nemi allt að 5% af heildarkostnaði hvers árs.

14. gr.

Aðalfundur jarðræktarsambandsins getur heimilað framkvæmdastjórn að taka ákveðin verk, sem tilgreind eru í 2. gr. þessarar samþykktar í ákvæðisvinnu, enda sé lögð fyrir aðalfund kostnaðaráætlun og verklýsing á því sem vinna á.

15. gr.

Heimilt er framkvæmdastjórn á þeim tíma, sem ekki er unnt að vinna að skurðgrefttri, lokræsagerð eða jarðvinnslu fyrir samþykktaraðila að taka að sér verk fyrir búendur, hreppsfélög, eða aðra aðila á sambandssvæðinu, þótt þau falli ekki undir ákvæði annarar greinar, ef tryggt er að það sé hagkvæmt fyrir jarðræktarsambandið og samþykktarsvæðið, enda sé tryggt að vélakostur sé ekki festur við þessi störf, svo að það brjóti í bága við hagsmuni samþykktaraðila.

16. gr.

Rekstrarafgangur og áhættuþóknun, svo og ef ágóði verður af ákvæðisvinnu eða þeim verkefnum, sem um getur í 15. gr. skal leggjast í stofnsjóð jarðræktarsambandsins og varið skv. ákvæðum þeim er um hann gilda sbr. 17. gr.

V. KAFLI

Fjáröflun og tryggingar.

17. gr.

Jarðræktarsambandið myndar stofnsjóð til vélakaupa. Fer upphæð stofnfjár eftir þörfum. Stofnfjár skal aflað þannig:

1. Hreppabúnaðarfélögin á samþykktarsvæðinu leggja fram sem óafturkræft framlag upphæð, er nemur hið minnsta $\frac{1}{4}$ hluta alls stofnfjárins samkvæmt 1.—4. lið.

2. Í stofnsjóð renna óafturkræf frjáls fjárframlög frá einstaklingum eða öðrum aðilum.
3. Með sameiginlegu stofnláni, sem tryggt er með sameiginlegri ábyrgð jarðræktarsambandsins.
4. Framlög úr ríkissjóði til vélakaupa renna í stofnsjóð jafnóðum og þau greiðast.
Árlegar tekjur stofnsjóðs eru:
 - a. Tekjur þær, sem inn koma samkvæmt ákvæðum 16. gr.
 - b. Vaxtatekjur og aðrar tekjur, er til sjóðsins kunna að falla.

18. gr.

Stofnfjárframlög hreppabúnaðarfélaga greiðist inn til framkvæmdastjórnar, þá er samþykkt hefur öðlast gildi. Framlag hvers hreppabúnaðarfélags skal greitt í hlutföllum við fasteignamat lands og ræktunarlóða. Þó skal hver verðeining ræktunarlóða aðeins bera hálfan gjaldþunga móti einingu í öðru landverði.

19. gr.

Komi í ljós siðar að auka þurfi stofnsjóð, að áliti framkvæmdastjórnar, ber henni að gera rökstuddar tillögur um stofnfjárukningu til stjórna búnaðarfélaganna á sambandssvæðinu, er þær leggja fyrir almennan fund í félögunum til samþykktar. Að fenginni meirihluta samþykkt í búnaðarfélögunum, skal tillagan borin upp á aðalfundi jarðræktarsambandsins. Verði hún samþykkt þar með meiri hluta atkvæða, er hún bindandi fyrir hreppabúnaðarfélagin.

20. gr.

Heimilt er framkvæmdastjórn að taka reksturslán gegn tryggingum í því jarðræktarframlagi er á umbætur verður greitt úr ríkissjóði, samkvæmt II. og III. kafla jarðræktarlaga.

21. gr.

Skylt er samþykktaraðilum að hafa greitt framkvæmdastjórn $\frac{3}{4}$ af áætluðu kostnaðarverði að frádregnu væntanlegu jarðabótaframlagi þeirrar vinnu, er þeir hafa pantað, áður en verkið er hafið.

Eftirstöðvarnar greiðast á gjalddaga, er verktökusamningur ákveður.

VI. KAFLI

Um reikningshald, endurskoðun og yfirstjórn fjármála.

22. gr.

Reikningsár jarðræktarsambandsins er almanaksárið. Reikningsskilum skal lokið svo tímanlega að endurskoðun hafi farið fram áður en aðalfundur jarðræktarsambandsins er haldinn. Skulu endurskoðendur sannprófa, að reikningum beri saman við bækur framkvæmdastjórnar.

23. gr.

Endurskoðendur séu tveir, kjörnir á aðalfundi jarðræktarsambandsins til eins árs í senn. Þeir skulu kynna sér reikninga sem bezt og hafa eftirlit með starfrækslu framkvæmdastjórnar í hvívetna.

24. gr.

Endurskoðaðir reikningar skulu lagðir fram til samþykktar á aðalfundi jarðræktarsambandsins. Þar gefur framkvæmdastjórn skýrslu um starfsemina, svo og endurskoðendur ef tilefni er til þess.

VII. KAFLI

Um breytingar samþykktar og hvernig samþykkt verði úr gildi felld.

25. gr.

Tillögur, er fram kunna að koma til breytinga á samþykkt þessari frá hreppabúnaðarfélögum eða framkvæmdastjórn, skulu sendar Jarðræktarsambandinu Hjörleifur, er sendir þær til allra búnaðarféлага á sambandssvæðinu til umsagnar. Þær skulu síðan lagðar fyrir aðalfund jarðræktarsambandsins. Samþykki löglegur aðalfundur breytingarnar með að minnsta kosti $\frac{2}{3}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

26. gr.

Samþykkt þessa má því aðeins nema úr gildi, að rökstutt álit meiri hluta samþykktaraðila liggi fyrir um það, að tilgangi samþykktar verði ekki náð og lögmætur aðalfundur jarðræktarsambandsins samþykki það með að minnsta kosti $\frac{2}{3}$ atkvæðisbærra fundarmanna, enda komi samþykki landbúnaðarráðherra til.

27. gr.

Með brot á samþykkt þessari skal farið að hætti opinberra mála. Geta þau varðað sektum frá 100—5000 krónum, nema þyngri hegning liggi við að lögum.

28. gr.

Samþykkt þessi staðfestist hér með samkvæmt lögum nr. 7 1945, um jarðræktar- og húsagerðarsamþykktir í sveitum, til þess að öðlast gildi þegar í stað.

Landbúnaðarráðuneytið, 28. október 1968.

Ingólfur Jónsson.

Þorv. K. Þorsteinsson.

Nr. 290.

REIKNINGUR

Minningarsjóðs Þórleifar Kr. Sigurðardóttur frá Kóngsbakka árið 1967.

Tekjur :

1. Eignir frá fyrra ári	kr. 35 554.86
2. Vextir 1967	— 3 324.06
3. Vaxtabætur Söfnunarsjóðs	— 102.16
4. Innlagt á árinu	— 100 00
	Kr. 39 081.08

Gjöld :

1. Innstæða í Söfnunarsjóði í árslok	kr. 39 081.08
	Kr. 39 081.08

Kóngsbakka ytri, 8. ágúst 1968.

Haukur Sigurðsson.

Sigurborg Magnúsdóttir.

Aðalheiður Bjarnadóttir.